

- Fè menm aranjman yo pou bebisitè.
- Enfòmasyon responsab lekòl yo epi mande pou yo rele ou konsènan kontak iregilye moun ki fè vyolans sou ou a.

KONSEY POU SEKIRITE NAN TRAVAY

- Mete yon kòlèg travay/sipèvizè ou okouran sitiyoasyon an epi mande moun sa a pou rele lapolis si gen ijans.
- Chèche jwenn yon moun pou sipòte ou si premye kontak la pa disponib.
- Mande yon moun pou kontwole apèl ou yo.
- Planifye antre ak sòti ou chak jou.
- Konsève yon kopi papye entèdiksyon ou toutan.
- Bay yon foto moun ki fè vyolans sou ou a nan zòn sekirite ak/oswa resepsyon an.
- Mande pou yo mete ofis oswa biwo ou yon kote ki ansekirite.
- Mande èd nan yon pwogram asistans pou anplwaye.
- Planifye yon wout pou sove.
- Se pou ou gen yon siyal pou èd (siflè/alam/telefòn selilè).
- Jwenn yon sal ki ansekirite ki gen yon telefòn pou itilize si gen yon ijans.
- Lalwa federal, lalwa leta ak/oswa lalwa lokal entèdi pratik diskriminasyon nan travay ki baze sou sitiyoasyon ou kòm yon viktim vyolans nan kay.
- Notifye Ofisye Prevansyon Vyolans nan Kay lokal ou.

Pou Lòt Asistans ak Resous:

Lapolis Ijans Rele911

Sèvis Enfòmasyon Vil Nouyòk311

Liy Dirèk 24 èdtan pa jou vil Nouyòk pou zafè Vyolans nan Kay

1-800-621-HOPE (4673)

1-800-810-7444

(Pou moun ki gen pwoblèm pou tandè)

Liy Dirèk 24 sou 24 Eta Nouyòk pou Zafè Vyolans nan Kay

Angle: 1-800-942-6906

Panyòl: 1-800-942-6908

Liy Dirèk 24 sou 24 Eta Nouyòk pou Abi sou Timoun

1-800-342-3720

Wèbsayt NYPD<http://www.nyc.gov/nypd>

Tribinal pou Krim ak Zafè Fanmi

BrooklynTribinal Kriminèl - (718) 643-4044

Tribinal pou Zafè Fanmi

- (718) 643-2650

BronxTribinal Kriminèl - (718) 590-2000

Tribinal pou Zafè Fanmi

- (718) 590-3319

ManhattanTribinal Kriminèl - (212) 374-4985

Tribinal pou Zafè Fanmi

- (212) 386-5170

QueensTribinal Kriminèl - (718) 520-3469

Tribinal pou Zafè Fanmi

- (718) 298-0197

Staten Island ...Tribinal Kriminèl - (718) 390-8400

Tribinal pou Zafè Fanmi

- (718) 390-5460

VINE

Notifikasyon Enfòmasyon sou Viktim Chak Jou

1-888-VINE-4-NY

VINE se yon liy dirèk otomatik 24 sou 24 ki fè viktim yo konnen dat liberasyon prizonye ki te nan gadavi nan vil Nouyòk oswa nan sistèm prizon Depatman Koreksyon Leta.

Depatman Lapolis Vil Nouyòk pa gen pou chèche konnen kondisyon imigrasyon moun ki viktim nan krim, temwen oswa lòt moun ki rele oswa ki pwoche lapolis pou chèche sekou. – Lòd Egzekitif Nimewo 41 Majistra NY



FÈ FANMI OU VIV ANSEKIRITE



Michael R. Bloomberg
Majistra

Raymond W. Kelly
Komisyon Lapolis

RELE "911" POU IJANS

OFISYE PREVANSYON VYOLANS NAN KAY OU SE:

Grad _____ Non _____ Kòmmanman _____

Nimewo Telefòn: _____

Vyolans nan Kay — Planifikasyon Sekirite

PLANIFIKASYON SEKIRITE

Kèlkeswa lòt bagay ou deside fè, anpil viktim vyolans nan kay kwè li enpòtan pou yo fè yon plan sekirite. Ou ka fè yon plan sekirite poukont ou, rele liy dirèk 24 sou 24 pou vyolans nan kay oswa rele Ofisye Prevansyon Vyolans nan Kay zòn sèvis lapolis nan lojman/lapolis lokal ou. Pa kite okenn lòt moun konnen plan sekirite sa a, sitou si moun nan ka revele plan ou ba moun ki fè vyolans sou ou a. Kit w ap viv avèk patnè vyolan an, kit ou deja sispann relasyon an avèk li, gen bagay ou ka fè pou ede ou planifye sekirite ou alavni.

Sekirite pandan ou toujou lakay ou:

- Fè pratik yon plan pou sove si gen ijans. Lè sa posib, revize plan ou avèk yon konseye, Ofisye Prevansyon Vyolans nan Kay la oswa avoka viktim yo.
- Montre pitit ou yo fè aksyon pou yo sove lè gen ijans epi montre yo itilize telefòn nan byen.
- Itilize aparèy ki fè bwi tankou yon siflè oswa yon alam pèsònèl pou mande sekou.
- Toujou konsève monnen pou yon telefòn piblik ki rezève yon kote ansekirite pou ou menm ak pitit ou yo.
- Mande vwazen yo pou tande, siveye epi rele pou sekou lapolis si yo ta wè moun ak aktivite ki sispèk, oswa si yo ta tande diskisyon.
- Mete yon moun okouran san pèdi tan si w panse moun ki fè vyolans sou ou a ap vin vyolan.
- Chwazi yon modpas ou ka itilize avèk zanmi, manm fanmi ak pitit ou pou alète yo pou yo rele pou sekou.
- Lè sanble gen vyolans toutbon vre, pa ale nan kizin, twalèt ak chanm kote ou pa ka sòti deyò.
- Chèche jwenn yon papye entèdiksyon.
- Sonje ou ka itilize yon telefòn selilè ki pa aktive gratis pou rele 911 pou ijans.

Preparasyon pou ale:

- Sonje danje a ka vin pi grav pandan w ap eseye sove oswa apre ou sispann yon relasyon ki vyolan.
- Revize plan sekirite a avèk yon Konseye oswa Ofisye Prevansyon Vyolans nan Kay.
- Ogmante endepandans ou lè ou louvri yon kont labank, jwenn kat kredi sou non ou epi jwenn fòmasyon pwofesyonèl.

Sak pou Sove Si w prale

Pare yon sak, yon bwat oswa yon valiz ki gen atik w ap bezwen si w ale. Mete li yon kote ki ansekirite lwen kay la, si sa posib. Sak la ta dwe yon sekre pou moun ki fè vyolans sou ou a oswa pou nenpòt moun ki ka fè moun ki fè vyolans sou a konnen ou prale. Mete dokiman orijinal yo nan sak la. Pa pran atik ki ka fè moun ki fè vyolans sou ou a konnen plan ou.

Sak la ta dwe gen ladan:

- ___ Chanjman rad pou ou menm ak pitit ou
- ___ Kle derezèv pou oto ak kay la
- ___ Medikaman ki nesèsè
- ___ Dokiman idantifikasyon (batistè, pèmi kondui, grinkat, kat pèmi travay ak kat sekirite sosyal pou ou menm ak pou pitit ou)
- ___ Kopi papye entèdiksyon ou
- ___ Kanè adrès/nimewo telefòn ou yo
- ___ Yon foto moun ki fè vyolans sou ou a a pou Idantifikasyon li
- ___ Atik pou ijyèn pèsònèl (bwòs dan, dezodoran, atik twalèt, elatriye.)
- ___ Papye divòs, papye ki endike se ou ki gen lagad timoun yo ak papye òdonans
- ___ Kouch, lèt an poud, jwèt ak dra
- ___ Papye oto, papye asirans-maladi ak asirans-vi
- ___ Kanè chèk, kat ATM (Gichè Otomatik)
- ___ Lajan, kat kredi, kanè bank, elatriye.

Sa pou ou fè lè fin ale:

- Si w ale, se pou ou mete sou non yon lòt moun tout dokiman lokasyon, telefòn, sèvis piblik ak tout lòt dokiman administratif ki ka pèmèt moun ki fè vyolans sou ou a konnen kote ou ye.
- Enstale pòt, fenèt, detektè ensandi ak pòt an metal. Ou ka rele tou Ofisye Prevansyon Krim nan zòn sèvis lapolis pou lojman/sikonskripsyon a pou fè 1yon ankèt gratis sou prevansyon krim.
- Se pou ou jwenn yon nimewo telefòn ki pa nan anyè telefonik (chanje ansyen nimewo a, si sa nesèsè) epi itilize *Sèvis Telefòn Espesyal* tankou: mesajri, Idantifikasyon nimewo ak non moun ki rele, blokaj apèl, depistaj apèl (*57), rekonpoze dènye apèl (*69) oswa rele *Unlawful Call Center* nan nimewo 1-800-518-5507 (non fòmèl li se *Call Annoyance Bureau*). Konpayi Telefòn nan ka mande yon rapò lapolis pou apèl endezirab yo ak apèl arasman yo.
- Pran prekosyon lè w ap fè apèl a frè vire oswa lòt apèl ki peye sou lòt nimewo lè w ap rele moun ki fè vyolans sou ou (apèl sa yo ka depiste). Pito ou itilize yon telefòn piblik.
- Se pou ou gen yon aparèy anrejistreman ki adapte nan telefòn ou epi ki disponib pou itilize lè w ap pale avèk moun ki fè vyolans sou ou a.
- Fè demann pou yon papye entèdiksyon si w pa gen youn.
- Konsève kopi entèdiksyon an nan kay kote ou ye a.
- Se pou ou gen yon lòt moun pou bay epi al chèche timoun yo si yon jij òdone vizit.
- Itilize yon bwat postal alapas yon adrès kay. Tcheke li pandan lajounen.
- Pa ale nan magazen, labank ak lòt kote ou abitye ale lè ou t ap viv avèk moun ki fè vyolans sou ou a.
- Rapòte aktivite sispèk ak vyolasyon entèdiksyon an ba lapolis.
- Fè aranjman espesyal pou al chèche pitit ou lekòl.